

Ўзбекистон болалари ва ўсмирларининг газетаси

Сентябр ойда у болаларни синфхоналарга, ўқишга, билим олишга чорлаган бўлса, бугун у ўқув йили тугаганидан дарак бермоқда, болаларни дам олиш масканларига, бог-роғларга ундамоқда, имтихонлар, синовлар даври бошланаётганини билдирмоқда. Бу йил илм даргоҳларига қадам қўйган кичкинтойларга таътил ҳавосини олиб келиб севинтирган бўлса, мустақил ҳаётга қадам қўяётган мактаб битирувчиларига ўзгача ҳаяжон бахш этмоқда.


Кўнғироқ овози... У ўқув йили давомида ҳар куни жаранглаб турди. Ўқувчиларни мактаб лабораторияларига, фан кабинетларига, тажриба майдончаларига етаклади. Унинг овози остида болалар китоб мутолаа қилишга, халқимизнинг тарихини билишга, ўлмас адабий меросини ўрганишга киришдилар. Келажакда етук билим эгалари, илми кучли мутахассислар бўлиб етишиш учун фаннинг бошланғич сабоқларини олдилар.

Ўқув йили тугаганидан дарак бераётган кўнғироқ овози остида ҳар ким ўзича фикрлайди: кимдир бу йил компьютер билан ишлашни ўрганиб олганини ўйласа, яна кимдир спорт соҳасида эришган ютуқларини хотирлайди. Бирон фанни кўнгилдагидек ўзлаштира олмаганидан афсусланаётганлар ҳам бор бўлса керак.

Ўқитувчилар эса мамнун.

Чортоқ шаҳар иқтидорли болалар махсус мактаб-интернати — лицейнинг физика, математика, информатикага ихтисослашган 10-“В” синфи толиби, Республика ўқувчиларининг ХХХ олимпиадаси ғолиби, Ўзбекистон Ёшлар Иттифоқининг ХХVI қурултойи делегати Хусанбой Мансуров билан сўхбат.

— Бугун истеъдодли, ўқишга, билим олишга интилган болаларга алоҳида эътибор берилмоқда. Вилоят, республика миқёсидаги фан олимпиадалари, иқтидорли ўқувчиларнинг кўрик-мусобақалари каби турли синовлар орамидан лаёқати кучли бўлганларни саралаб бормоқда. Мен ҳам яқинда физика фани бўйича ўтказилган Республика олимпиадасида иштирок этдим.



Лицейдаги ички олимпиада, вилоят ўқувчилари орасида ўтказилган олимпиадада голиб чиққанлигим бу синовга мен учун кенг йўл очиб берди. Уч турдаги: тест синовлари, назарий масалалар ва экспериментал масалалар бўйича ўтказилган мусобақалардан сўнг голиблар эълон қилинди. Иккинчи ўринни олганимни эшитганимда жуда ҳаяжонландим. Бу ҳаяжон фақат голиблик сурури эмасди. Бу

Кейинги икки-уч йиллар давомида халқ таълимига берилаётган алоҳида эътибор болалардаги ўқишга, ҳунар, би-

ЎзССР Давлат китоб палатаси

бўлмайди. Кўнғироқ яна жириглайди... Бу сафар уни янги ўқув йилида мактабга илк бор қадам қўядиган

Ўқув йили якунланди тинмайди. У ҳали миллион-миллион ёшларни илм олишга чорлайди.

Синфхонамиз — ўз уйимиз

Биринчи кўнғироқ чалинган куни озода, янги таъмирланган синфхонага қадам қўйган эдик. Хали буюк ҳиди келиб турган шинам синфимизда ўқишни бошлаб юбордик. Йил давомида синфимиз, мактабимиз ўқувчилари ўз билим масканларини озода, яхши сақланишига ҳаракат қилишди. Шундай бўлса-да ўқув йили якунланиш арафасида мактабимизни янги ўқув йилига тайёрлаш ишларини бошлаб юбордик. Юқори синф ўқувчилари меҳнат таълими дарслари муаллимлари билан биргаликда дарслардан бўш вақтларда керак жойларни таъмирлашмоқда.

Мактабимизнинг ўз ҳомийлари бор. Р. Миртожиев, Б. Боратов, Р. Насриддинов шулар жумласидандир. Уларнинг ҳар бири мактаб таъмири учун 100 000 сўмдан, Эркабоев 50 000 сўм пул ажратишди. Бугунги кунда ушбу маблағ ҳисобидан мактаб учун янги анжомлар, таъмирлаш учун керакли буюклар сотиб олинмоқда. Биз ёшлар учун гамхўрлик қилган ҳомийларимиздан миннатдоримиз.

Д. ТУРСУНОВА,

Фарғона вилояти, Ўзбекистон туманидаги 4-мактаб ўқувчиси.



Қушлар бизнинг дўстимиз

Табиятни асраш, ер, сув, ҳавонинг мусофқолиги учун курашиш мактабимиз болалар ва ўсмирлар уюшмаси ўз олдига қўйган вазифалардан бири. Шунинг учун ҳам унинг аъзолари бу мавзуда турли кеча ва тадбирлар, табиат шайдолари кўкрин-танловлари ўтказиб турадилар, жониворларни асраш, кўпайтириш, бог-роғлар яратиш ишларида фаол иштирок этадилар.

Яқинда болалар ва ўсмирлар уюшмаси аъзоларининг ташаббуси билан ўтказилган "Қушлар бизнинг дўстимиз" кечаси фикримиз далилидир. Қушлар олами шайдоларининг чинакам байрамга айланган ушбу тадбирда 3-синф ўқувчилари фаол иштирок этдилар. Улар қушлар ҳаётига оид барча билимларини йиғилганларга кўрсатдилар. Уларни асраш, кўпайтириш, боқиб тажрибаларидан мактабдошларига сўзлаб беришди. Хатто, тадбирда янграган қўшиқ ва шеърлар ҳам қушларга аталди. Энг қизиги, байрамда иштирок этган болаларнинг ўз уйларида боқаятган қушлар курғазмаси ҳам бўлиб ўтди.

Ҳалима Йўлдошева,
Жиззах вилояти, Жиззах туманидаги 6-мактаб ўқувчиси.



Суратда: Тошкент шаҳридаги 90-мактабнинг 1-синф ўқитув-

чиси Дилором Сахиева ўз ўқувчилари билан таътилга чиқиш арафасида. Р.АЛЪБЕКОВ суратга туширган.

Диққат! Диққат!

Қадри болалар! Эртадан бошлаб мактаб ўқувчилари ёзги таътилга чиқади. Кимдир дам олишга, кимдир имтихон ва синовлардан ўтишга киришиб кетишди. Шунинг учун биз май ойининг бошида эълон қилганимиз — "Тоғ юлдузи"нинг "Ёш мухбирлар сиртқи мактаби" очилиши ҳақида яна бир бор эслатиб ўтишни лозим топдик.

Агар эсингизда бўлса, "Ёш мухбирлар сиртқи мактаби"га аъзо бўлишни истаганлар учун бир неча шартларимиз бор. Мактабимизга аъзо бўлишни истаганлар 1 июлга қадар бизга қўйидаги уч мавзуда мақола ва хат-хабарлар юборишлари керак: 1) ўзи аъзо бўлган болалар ташкилоти фаолияти, 2) маҳалла, турар жойдаги ибратли

ишлар, 3) ташвишлантираётган муаммолар ҳақида мақола ёки лавҳа.

Муҳарриятимизга болалардан "Ёш мухбирлар сиртқи мактаби"га аъзо бўлиш истаги билдирилган мактублар келиб турибди. Биз қўйида танловга келган мактублардан айримлари билан сизларни таништирмақчимиз. Айни вақтда ҳали мактуб ёзишга улгурмаган, бизнинг ёш ижодкорлар мактабига аъзо бўлишни истаганларни тез кунлар ичида бизга ўзлари ҳақида маълумотлар ва хат-хабар, мақолаларини юборишга чорлаймиз. Келажакда журналист бўлишни кўнғилга туганлар учун бу яхши имконият!

Иқтидор

менга бўлган ишонч ва ўзим қизиққан фанларни эгаллаш сари ташланган қадам эди. Бугун яхши

ўқувчи ватанимизнинг эртанги кун эгалари. Уларнинг яхши таълим олишларини, турли ҳунар

Қалбида ўз-ўзига ишонч туйғуси билан иккиланиш ҳисси басма-бас тугён урди. Устозлар ўғити, дўстлар кўмаги, шогирдлар ишончи Мамарайим акага далда бўлди.

— Ур-ре! Ойи, дада!
Вали! Тангаларим кўпайиб қолибди!
Фаришталар танга ташлаб кетишибди! —
дея қичқириб юборди.

ВАТАН БИЗДАН ШУНИ КУТАДИ

ўқийтган, кучли билим олиб, эртага она юрт учун хизмат қиламан, деб ният қилган ёшларга бўлган эътибордан энтиқиш эди...

Мен ўша пайтдаги ҳолатимни кейинроқ — Тошкентга Ўзбекистон Ёшлар Иттифоқининг ХХVI қурултойига келганимда ҳам тенгдошларимга гапириб бердим. Туманимиз ёшлари мени ушбу билан қурултойга делегат қилиб сайлашганида мен уларга айтадиган фикрларимни ўйлаб қўйгандим. Биз қурултойдан кейин улар билан йиғилишганда шу фикрларни ўртага ташладим.

Мен каби ҳозирги кунда парта ортида ўтириб таълим олаётган

ўрганиб, ўз дунёқарашларини бойитишлари учун кенг йўл очиб берилди. Болалар ижод уйлари, ўқувчилар саройлари, техника уйлари улар учун хизмат қилмоқда. Шундай экан, биз эртанги кунимиз порлоқ бўлиши, Ватанимиз янада равнақ топиши учун бугун ана шу ижод уйларида чуқур билим олиб, ҳунар ўрганишимиз зарур. Ватан биздан шунини кутади...

Делегат тенгдошларим менинг фикрларимга тўла қўшилишди.

Сўхбатни М. САЙРАМОВ
ёзиб олган.
Наманган вилояти,
Чортоқ тумани.

"ТАЛАБЧАН МУРАББИЙ"

2-БЕТ



"ҚИЗИҚЧИ ВАЛИ"

4-БЕТ

Али Қушчининг тўлиқ исм-шарифи Аловиддин Али ибн Мирзо Мулло Муҳаммад бўлиб, 1404-1474 йилларда яшаган. У Самарқандда таваллуд топган, келиб чиқиши темирйоздалардан бўлган, ўша ерда улғайиб Мирзо Улугбек раҳбарлигида илм дунёсида пешқадам сиймолардан бўлиб камол топган.

"ЗАМОНАСИНИНГ ПТОЛОМЕЙ"

3-БЕТ



ҚОДИРИЙНИНГ ЎҒЛИНИ КЎРДИК

Абдулла Қодирининг "Ўтган кунлар" романини кўпларингиз ўқигансиз, албатта. Бу асар асосидаги кинофильми эса севиб томоша қилгансиз. Ўзвучи ўзининг қисқа умри давомида яратган ҳамма асарларида китобхонга ана шундай завқ беради.

Мактабимиз ўқувчилари ўз ҳурматларини ўзвучи таваллудининг 100 йиллигига бағишлаб ўтказилган кечада намойиш этишди. Кечада Абдулла Қодирининг фарзанди Маъсуд ота Абдуллаев, мактабнинг собиқ ўқитувчилари, маҳалла оқсоқоллари иштирок этишди.

Мактабнинг II-синф ўқувчилари ўзвучи

асарларининг энг ёрқин қаҳрамонлари либосида саҳнага чиқишиб, асарлардан парчалар ижро этишди. Куй, кўшиқлар янгради.

Шундан сўнг Маъсуд ака ўқувчиларнинг Абдулла Қодирий ҳаёти ва ижодига оид саволларига жавоб бердилар. Ушбу савол-жавоблар ўқувчиларнинг ўз севган ўзвучилари билан янада яқинроқ танишишига имкон берди. Болалар адабий кеча ташаббускори — адабиёт ўқитувчиси Шоиста опа Иброҳимовага миннатдорчилик билдиришди.

Наргиза ТЎРАЕВА,
Тошкент шаҳридаги 118-мактаб ўқувчиси.

УМИДБАХШ ДАСТА

— Яқинда биз, — дейди маданият уйи директори Жўрабек ака Тўхтаев, — фалакиёт оламининг зўкко билимдони, бобокалон Мирзо Улугбек таваллудининг 600 йиллигига бағишлаб ўтказилган кўрик-танловда иштирок этдик. Унда жамоамизнинг бир қанча аъзолари нуфузли уринларни эгаллашга муваффақ бўлдилар. Ҳаваскор, ёш санъаткорларимиз тез-тез дала шийпонлари, фермаларга бориб, ота-

оналарининг кўнгилли ҳордиқ чиқаришларига кўмаклашадилар. Санъаткор жамоа орасида истеъдодли ёшлар талайгина. Муножот Хуррамова, Комил Низомиддинов, Равшан Хўжамов, Шухрат Очилов каби болалар ижросидаги "Муаллим", "Онажоним", "Дарсада "5" олган пайтлар" каби бир қатор кўшиқлар ҳаммага манзур бўлмоқда.

Абдулла ТУРДИЕВ,
Сирдарё вилояти.

Бундан уч йил аввал Жўрабек ака Амир Темураев хўжалигига ишга келганида санъатга меҳр кўйган ёшлар жуда қувонишди. Чунки Тошкент маданий-оқартув техникумини тамомлаб келган Жўрабек ака тез орада санъат ихлосмандларини тўнлаб, улар билан машғулотлар ўткази бошлади. Сирдарё туманидаги марказлашган Маданият уйига қарашли 4-қишлоқ маданият уйида 24-мактабнинг 25 нафар ёш санъаткорлари унинг раҳбарлигида турли кўшиқ ва рақсларни ўргана бошладилар.



Гулчехра опанинги икки нафар фарзанди бор: Жавлон ва Жавоҳир. Худди эгизаклардек улғайишяпти. Бўй-бастда ҳам, зукколигу қизиқувчанликда ҳам бир-бирларидан қолишмайдилар. Опасини "Нега?" "Нима учун?" каби саволларга кўмиб ташлашади. Эртақ тинглаш жону диллари. Шунинг учун ҳам Гулчехра опа юмушлари харчанд мўл бўлмасин фарзандларига эртақ ўқиб бериш учун албатта фурсат топади...

Суратда: — Яхшилаб жойлашиб олдик, ўқини бошлайверинг!

Р. АЛЬБЕКОВ туширган сурат-лавҳа.



Рустамжон Саломов, Гайрат Жўраев, Исмаи Раҳимовлар тумандаги Ибн Сино номи мактабда таълим олишган. Ҳозирги кунда улар халқ хизматига, турли соҳаларда меҳнат қилиб келишмоқда. Рустамжон маиший хизмат уйига раҳбарлик қилади, Гайратжон механизациялашган кўчма

арафасида бу икки синф ўқувчиларига 30 килограмм шакар совға қилди. Оилавий шароити оғирроқ бўлган икки нафар ўқувчига кийим-бош, зарур бўлган ўқув қуроллари совға қилишни ҳам одат қилган. Ҳадемай мактабларда таъмирлаш ишлари бошланиб кетади. Рустамжон бу йил ҳам таъмирлаш ишлари учун мактабга

ташкilotига раҳбарлик қилиб келаётган Исмаи Раҳимов ҳам келажакимиз эгалари бўлмиш фарзандларимиз учун қайғурадиган мурувватли инсонлардан биридир. У ҳам ўзи сабоқ олган Ибн Сино номи мактабнинг I-синф кичкинтойларини оталиққа олган. Синфни таъмирлаш ишларига кўмаклашади, аълочи

СОБИҚ ЎҚУВЧИЛАР ҲИММАТИ

коллоннанинги бўшлиғи, Исмаи Раҳимов эса қурилиш ташкilotи раҳбари. Гарчанд мактабни тамомлашганига анча йиллар бўлган бўлсада, қадрдон даргоҳларида тез-тез бўлиб туришади. Улар ўзлари ўқиган мактабни оталиққа олишган.

Рустам Саломов ўтган йили мактабни таъмирлаш ишларига кўмаклашди. Бу йил мактабнинг 5"Г" ҳамда 6"Г" синфларини оталиққа олди. Яхши ўқийдиган 4 нафар ўқувчига ойнага 250 сўмдан, аълочи ўқувчиларга эса 1000 сўмдан стипендия бериб борапти. Байрам

300 килограмм буюқ олиб берди. Хайрли, эзгу ишларининг қаноти бўлади, деганларидек, туманда Рустам Саломов ишнинг давомчилари ҳам кўпайиб бормоқда. Улардан яна бири Гайрат Жўраевдир. Бу йил ўз мучал ёшларини нишонлайдиган мактабнинг 27 нафар ўқувчисига тўқин дастурхон безатиб, байрам тантанаси уюштириб берди. Тугилган кунлари нишонланаётган болаларга эсдалик совға-саломлари улашиш учун эса 500 минг сўм миқдорда пул ажратди. Кўп йиллардан бери аҳолига хизмат кўрсатадиган қурилиш

ўқувчиларни рағбатлантириш учун ҳар ойда 150 сўм миқдорда стипендиялар бериб боради. Эртанги кунимиз эгалари бўлмиш ёшларнинг таълим-тарбиясига жиддий қайғураётган, гэмхўрлик қилаётган бундай мурувватли инсонларнинг қилаётган меҳнатлари келажакда ўз самарасини беражакга ишончлари комилдир.

Сочоқ ЭГАМОВ,
Навоий вилояти, Қизилтепа туманидаги "Ўзбекистон" жамоа хўжалиғи.

Устозлар ҳақида ҳикоялар

Мамарайим аканинги умр зарварақлари у даражада катта эмас, бор-йўғи 34 баҳорни қамраб олади. Шу фурсат ичида шогирдлари ҳамда касбдошларининг самимий меҳрини, юксак ишончини қозона олди. У кишини яна "талабчан устоз" деб ҳам аташади. Бунинг боиси бор албатта.

Мамарайим ака илк бор иш фаолиятини Самарқанд вилояти, Қўшрабат туманидаги

ўқитувчиликка қайтди. Тумандаги 82-мактабда болаларга сабоқ бера бошлади. Ўзининг меҳнатсеварлиғи, фаоллиғи билан тез орада мактаб ўқитувчилар жамоаси ҳурматини қозонди, мактаб директори лавозимига тайинланди.

"Ҳар холда катта даргоҳ. Раҳбарлик қилиш қўлимдан келармикан" дея иккиланган онлари ҳам бўлди. Қалбида ўз-ўзига ишонч туйғуси билан ик-



ТАЛАБЧАН МУРАББИЙ

48-мактабда болаларга инглиз тилидан сабоқ бериш билан бошлади. Утилажак ҳар бир дарсига астойдил ҳозирлик кўради, фанини болаларга иложи борича содда, раво тилда, ҳаётини мисоллар билан тушунтиришга интилади; тушунтиролмаса, қайта-қайта такрорлашдан чарчамайди. Ўзига ҳам, шогирдларига нисбатан ҳам ўта талабчан мураббий. Болаларга чет тилидан сабоқ бериш билан чегараланмай, кўшимча машғулотлар ташкил қилиб, миллий урф-одатларимиз, ўзбекона аъналаримиз ҳақида ҳам қизиқарли суҳбатлар уюштиради. Изланувчанлиги, ҳаракатчанлиги ва талабчанлиги билан кўпчиликка намуна бўлган Мамарайим ака Қўшрабат давлат хўжалиғи ёшларига вақти келиб етакчилик ҳам қилди. 1986 йилда эса яна ўз сеvimли касби,

килиниш ҳисси басма-бас тугён урди. Устозлар ўғити, дўстлар кўмағи, шогирдлар ишончи Мамарайим акага далда бўлди. Ҳозирги кунда ҳам 800 нафарга яқин ўқувчи таълим олаётган Низомий Ганжавий номидаги мактабга раҳбарлик қилиб, таълим-тарбия ишларини янада жонлантириш, методика ишларини замон талаби даражасига кўтариш, мактабнинг моддий-техника базасини мустаҳкамлаш, ёш ўқитувчиларга ўз иш тажрибаларини ўргатиш борасида тинмай меҳнат қилиб келмоқда.

Ёшлар, демалки, келажакимиз эгалари бўлмиш фарзандларимиз таълим-тарбиясига масъуллик ҳисси билан ёниб яшаётган бундай инсонлар борлиғига шукроналар айтасан, киши.

Қувондик СИДДИҚОВ.

Спорт • спорт • спорт

ҲАМҚИШЛОҒИМИЗ ХОТИРАСИГА БАҒИШЛАБ

Бизлар таҳсил олаётган мактаб ҳамқишлоғимиз Рустам Миртожиев номи билан аталади. Яқинда ана шу инсон хотирасига бағишланган футбол мусобақаси бўлиб ўтди. Унинг очилиш маросимида мактабимиз директори сўз олиб, бундай кечаларни ўтказишдан мақсад, ўтганлар руҳини шод этиш, уларга муносиб ворислар тайёрлаш, ёшларни жисмоний соғлом ва бақувват қилиб тарбиялаш эканлиғи ҳақида гапирди. Мусобақа хомийси Расулжон ака Миртожиев эса мусобақа шартлари, голиблар учун ажратилган мукофотлар ҳақида тўхталиб, унинг иштирокчиларига муваффақиятлар тилади.

Синфлараро ўтказилган беллашувлар якунларига кўра голиблар финалга йўлланмалар олдилар. Финал ўйинлари бўладиган куни мактабимизнинг унчалик катта бўлмаган ўйингоҳи футбол ишқибозлари билан гавжум бўлди. Ўйинлар бошланди. Майдонда 9-ҳамда II-синфларнинг футбол гуруҳлари тўп суришди. 9-синф ўқувчилари гарчанд ёш жиҳатдан кичик бўлсалар-да, маҳорат жиҳатдан устун эканлиқларини намойиш этдилар. Мусобақа якунида голибликни кўлга киритиб, Фахрий ёрлик ҳамда 10 минг сўм миқдорда пул мукофоти билан тақдирландилар.

Келгусида бундай учрашувларни тез-тез ўтказиб туришга ҳам аҳдлашиб олдик.

Дилором ТУРСУНОВА,
Фаргона вилояти, Ўзбекистон туманидаги 4-мактаб.



— Дада, "оҳ" обберинг
Р. АЛЬБЕКОВ туширган сурат

Ун икки ешли Вали кизикчиларга хавас килиб юрарди. Баъзан кизик-кизиқ гапларни эшитиб келиб, уйдагиларнинг ичакларини узиб кулдирар эди.

— Ганивой, — деди бир кун у укасига, — дадам берган пулларни кўрсатиб, мақтанаверма. Мана қара, менинг қанча пулим бор. Дадам иккаламизга ҳам йигирма тийиндан пул беради. Сеники ҳечам кўпаймайди, меники эса ҳар кун кўпайиб қолапти...

Кизикчи Вали

ҳажвия

— Вой! — деб юборди Гани чиндан ҳам ақасининг кафтидаги тангаларни кўриб, — дадам ҳар кун иккаламизга йигирма тийиндан пул берса, нима учун сеники кўпайиб кетаяпти? Айта қол...

— Айтмайман, айтсам бошқа болаларга ҳам етказасан, — деб туриб олди Вали лабларини чўччайтириб, — буни ҳеч ким билмаслиги керак... билса, пулларим кўпаймай қолади...

— Қасам ич десанг, қасам ичаман, лекин ҳеч кимга айтмайман, — дея тикилини қила бошлади Гани.

— Яхши, яхши, айтаман, сирни ичингда сақлашга сўз берсан-а?

— Сўз бераман.

Вали укаси Ганини ҳовлининг четига, гуллар ўсган ерга бошлаб борди. Чўккалаб бир гулнинг тагини кавлади. Кавлаган еридан кўп тангалар чиқди. Ганининг кўзлари катта очилиб, мириқиб тангаларни кузатди.

— Ҳаммаси ўзингникими? — дея ҳайратланиб сўради кейин.

— Ўзимники бўлмай, сеники

бўлармиди, — дея жавоб қилди Вали кеккайиб, — дадам берган тангаларни ҳар кун шу ерга кўмиб қўяман. Кечаси фаришталар келиб танга ташлаб кетади... кўрибсанки, улар кўпайяпти. Сен ҳам тангаларингни кўмиб қўйсанг, ҳар кун кўпаяверади...

— Қандай яхши, қандай яхши! — дея Гани шодланиб бошқа бир гул тагини кавлаб тангаларни яширди-да, устига япроқларни тортиб қўйди.

Унинг қувончлари чексиз эди... У эртаси кун ховлиқиб туриб,

дарҳол гул тагига югурди. Япроқларни суриб, тангаларни кузатди. Чиндан ҳам тангалари кўпайиб қолганди. Қувончини яширолмади:

— Ур-ра! Ойи, дада! Вали! Тангаларим кўпайиб қолибди! Фаришталар танга ташлаб кетишибди! — дея қичкириб юборди. — Эртага музқаймоқ сотиб олиб, ҳаммангизни меҳмон қиламан.

Гани уч кунгача тангаларни кузатди. Тангалар кундан кунга кўпайиб бораётганди. У ичига сизмай қувонарди...

Орадан уч кун ўтгач, Вали кўчага чиқиб, бир қозғоқ халтани тўлдириб музқаймоқ кўтариб келди-да, уйдагиларни меҳмон қилди. Гани ҳам шу кун тўйиб музқаймоқ еди ва ўзи ҳам музқаймоқ олиб келгани пулини яширган ерга югурди. Етиб келиб япроқларни сурди. Қай кўз билан кўрсанки, пуллари йўқ эди. Вали эса ҳовлида қорини ушлаб қаҳ-қаҳ отиб куларди...

— Пулим йўқ, пулимни кимдир

ўғирлаб қўйибди, — дея ҳиқиллай бошлаганди, Вали унинг елкасига қўлини босиб:

— Ойим билан дадамни ҳам сен меҳмон қилдинг, — дея юпатди, — музқаймоқларни сенинг пулингга олиб келдим...

— Нимага мени алдадинг? Пулим қандай қилиб кўпайиб қолаётганди? — дея сўради Гани.

— Тентаквой, — дея Вали укасига тушунтирди, — ҳеч замонда ерга кўмилган пул ҳам кўпаядими? Мен ҳар кун ўзимнинг тангаларимни кўшиб қўяётгандим... мен кизикчи бўлишни машқ қилаяпман... тушундингми?

— Тушундим... — деди Гани бурнини тортиб.

— Ҳу, муттаҳам кизикчи, — дея музқаймоқ еяётганлар Валига қарашди, сўнг Ганини кузатишди. Гани эса кизикчи ақасига ҳайрат билан қараб турарди.

Шундай қилиб Вали "кизиқчи" лақабини олди.

Сайдабрал АЪЛОЕВ.

Антиқа дунё


АЖОЙИБ ТЕЛЕФОН

Американинг "Найнекс" алоқачилар уюшмаси ўз миждозларига универсал телефон қурилмасини тортиқ қилди.

Қурилма соҳиби трубкани кўтармай туриб унга ким кўнгирак қилаётганини экранда кўради. Шу билан бирга унчалик катта бўлмаган таблода қаердан кўнгирак қилинаётган бўлса, ўша телефоннинг номери ёзилади. Бу янгилик натижасида телефон безорилиги ўз-ўзидан йўқоляпти.

ОНА ОТА ДЕГАНИ

Жаҳоннинг деярли барча тилларида "она" сўзи бир маънони англатади. Лекин Соломон оролларида яшовчи аҳолидан бу сўзни эшитсангиз, онаси ҳақида гапиряпти, деб ўйламанг, меназезий элатида "она" сўзи "ота" маъносини беради.



Одамлар, ҳей одамлар,
Сизга зирак керакми?
Ёки тилим чиқариб,
Битта ўйнаб берайми?

Р.АЛЬБЕКОВ суратга туширган.

Биласизми?

Ош тузининг тўққиз ҳислати

- Дарахтларни ҳашоратлардан тозалаш учун эрта баҳорда бир челақ сувда роппа роса 1 кг (ортиқчаси зарар) туз эритилиб дарахтларга пурқалиши керак.
- Агар гилам ёки полосга сиеҳ тўқилса устига дарров қалин қилиб туз тўқиш керак. У сиеҳни шимиб олади ва доғ кетади.
- Лимон сўлимасин десангиз тагига бир қатлам туз сепилган банкада сақланг.
- Нонни сирланган, сопол ёки шиша идишда тагига бир сиқим туз ташлаб сақланса моғор босмайди.
- Сутга бир чимдим туз ташланса, анчагача ачимайди.
- Сабзавотни тузли сувда қайнатилса, фойдали моддалари сақланиб қолади.
- Ёнаётган ўтин нам бўлса, бир сиқим йирик туз ташланг, ўтин яхши ёнади.
- Балиқни жуда шўр сувда ювиб ташланса, балчиқ ҳиди кетади.
- Қўлдан, қозон-товоқдан балиқ ҳиди келса, туз ишқаланади.

"Тўғри жавоб"

— Одамнинг ақли қаерда бўлади? — деб сўради ўқитувчи. Ўқувчи пешонасини ушлаб ўйга толди.

— Жуда билағонсан-да, — деди ўқитувчи ўқувчига аъло баҳо қўя туриб.

ЖОЙ БЕРДИ

— Кекса одамга жой бериб, тўғри иш қилдинг, болам.

— Чунки мен ҳозир тушаман-да.




УХЛАБ ЁТИБМАН

- Афанди, уйғондингизми?
- Ҳа, энди турмоқчиман.
- Сиздан бироз қарз сўрамоқчи эдим.
- Ундай бўлса мен ҳали уйғонганим йўқ.

Қирғиз тилидан Бурхон ШОМИРЗАЕВ таржимаси.

Рассом ТОПИШМОҒИ



Қайси арқонни тортиши керак?

Рассом Д. ПАРПИЕВА



Суюкли сингилчам НАРГИЗАХОН!

Сени туғилган кунинг, умрингнинг 7-баҳорини қаршилаган қутлуғ айёминг билан самимий муборакбод этаман. Уқишларингга муваффақиятлар, келгуси ҳаётингда омадлар тилаб қоламан.

Гулгун чехрангдан табассум аримасин!

Сени чин дилдан қутлаб, аканг Дилшод СУЛТОНОВ. Тошкент шаҳри, 64-мактаб, ўқувчисин.

Ҳадемай оиламизда кўшалоқ байрам: суюкли сингилларимиз Ойниса ва Мухлисаларнинг таваллуд кунлари. Бу йил шуниси билан қадрлики, сингилларимизнинг мучал йилларини ҳам нишонлаймиз. Ушбу айёмда уларнинг бир олам қувончларига шерик бўлиб, тани сиҳатлик, умри боқийлик тилаб қоламиз. Эзгу-ниятлар билдириб: опалари Юлдуз, Мунис, акаси Учқун.

Уроқовлар оиласи.
Шофиркон тумани, Охунбобоев жамоа хўжалиги, Қайрағоч қишлоғи.



ТАБРИКЛАЙМИЗ!

Бош муҳаррир вазифасини бажарувчи: Музаффар ПИРМАТОВ.



Таҳрир хайъати:
С. БАРНОЕВ, А. БЕРДИМУРОДОВ,
Ф. ЖАЛИЛОВА, А. КҮЧИМОВ,
Ш. СУННАТОВ, Д. ТУРАХМЕТОВА,
С. ШУКУРОВА.

Тавсияс этувчилар:
ЎЗБЕКИСТОН ЁШЛАР ИТТИФОҚИ МАРКАЗИЙ
ҚҰМИТАСИ, ЎЗБЕКИСТОН РЕСПУБЛИКАСИ
ХАЛҚ ТАЪЛИМИ ВАЗИРЛИГИ
Газета 1929 йил, 1 августдан «Ленин учқуни»
номи билан чиқа бошлаган.

Газета ҳафтанинг чоршанба кўни чиқади.

Маълумот учун телефон: 33-49-45

Бизнинг манзилгоҳ:
700083. ТОШКЕНТ ШАҲРИ,
МАТБУОТЧИЛАР КҰЧАСИ-32 УЙ
Напр кўрсаткичи: 64563

"ШАРҚ" нашриёт-матбаа концерни босмаҳонаси.

Газета IBM компьютерида терилди ва саҳифаланди. Корхона манзили: "Буюк Турон" кўчаси, 41-уй.

Рўйхатдан ўтиш тартиби № 000137. Буюртма № Г—952. 5356 нусхада босилди. Ҳажми — 1 босма табақ. Офсет усулида босилган. Қозғоз бичими А—3.

Босишга топшириш вақти 19.00. Босишга топширилди 19.00.

1 2 3 4 5